




DS
735
A2W8
19--
V.11



尺木堂綱鑑易知錄卷三

周之炯靜專

通鑑綱目定本

山陰吳乘權楚材同輯

周之燦星若

東漢紀

孝明皇帝

綱 壬申十五年春二月帝東巡耕于下邳批。今江

讀孔子宅

三月至魯今山東兗州府曲阜縣詣孔子宅書史書幸孔子宅此其書詣

何不以位加道也惟君臨其臣則書幸綱目書詣孔子宅一而已宣幸孔子宅親御

綱鑑易知錄

卷三二 漢明帝

卷之三

講堂命皇太子諸王說經綱封皇子六人為王目封

皇子恭為鉅鹿今直隸順德府鉅鹿縣王黨為樂成質實云未詳王

衍為下邳見上王暢為汝南今河南汝寧府王昺為常山今直隸真

定王長為濟陰今兗州府曹州王帝親定其封域裁命平聲半

楚楚王淮陽淮陽王延馬后曰諸子食數縣於制不已儉

乎帝曰我子豈宜與先帝子等歲給二千萬足矣綱

冬遣都尉耿秉竇固將兵屯涼州今陝西行都司涼州衛謀擊匈奴

綱癸酉十六年春二月遣太僕祭儋容及竇固等

伐北匈奴固取伊吾盧地在陝西行都司肅州衛瓜沙二州西彫不見

平楚淮陽

虜而還下獄免卒。綱西域諸國遣子入侍。固實固使

假司馬假者權攝之義班超班固弟與從事大將軍屬官郭恂俱使

班超立功西域

西域。超行到鄯善見二十一卷一鄯善王廣奉超禮敬甚備。

後忽更疎懈。超謂其官屬曰：此必虜使來，狐疑未知

所從故也。明者觀未萌，況已著邪？乃召侍胡詐之曰：

匈奴使來數日，今安在乎？侍胡惶恐曰：到已三日，去

此三十里。超乃閉侍胡，悉會其吏士三十六人，曰：不

入虎穴，不得虎子。當今之計，獨有因夜以火攻虜使

彼不知我多少，必大震怖，可殄盡也。滅此虜，則鄯善

以火攻虜

文俗吏

破膽功成事立矣。衆曰：當與從事議之。超怒曰：吉凶決於今日。從事文俗吏聞此，必恐而謀泄，死無所名。非壯士也。衆曰：善。初夜，初更時超遂將吏士往奔虜營。會天大風，超令十人持鼓藏虜舍後。約曰：見火燃，皆當鳴鼓大呼。餘人悉持兵弩夾門而伏。超乃順風縱火。前後鼓譟，虜衆驚亂。超手格殺三人。吏兵斬其使及從士三十餘級。餘衆百許人悉燒死。明日，乃還告郭恂。恂大驚。超於是召鄯善王廣以虜使首示之。一國震怖。廣叩頭願屬漢。無二志。遂納子爲質，還白寶。

固。固。大喜。具上超功效。并求更選使使西域。帝曰。吏

如班超。何故不遣而更選乎。今以超為軍司馬。大將軍屬

官有司馬一人令遂前功。固復使超使于賓。見十四卷二是時于

賓王廣德雄張。去聲。心自侈大也。南道而匈奴遣使監護其

國。超既至于賓。廣德素聞超在鄯善。誅滅虜使。大惶

恐。即殺匈奴使者而降。於是諸國皆遣子入侍。西域

與漢絕六十五載。至是乃復通焉。**綱**秋七月。北匈奴

大入雲中。書。謂夏書寇此其書入何議也。曷為議。國之兵端自我始也。故廉范破虜不書。

北匈奴大入雲中。今山西大同府雲中太守廉范拒之。更以

廉范破匈奴

衆少。欲移書傍郡求救。范不許。會日暮。范命軍士各交縛兩炬。三頭爇屑火。營中星列。虜謂漢兵救至。大

交縛兩炬三頭藝

層

火營中星列虜謂漢兵救至大

驚待旦將退。范令軍中蓐食。

卷六

晨往赴之斬首數

百級虜自相戰

車客

踐。

三

不月
隨籍

死者千餘人由此不敢

回雲中

瓊山丘氏曰廉叔度者廉頗後裔也守雲中而破匈奴之寇守蜀郡而興五袴之謠此特宦業之常耳其平生懿行人所難及者有三焉年十五迎父喪於蜀蜀郡守乃其父故吏厚資送范范不受扶父棺同溺水得救僅免一也爲鄧融之功曹融被獄范變姓名爲獄卒衛侍融至死竟不言而又葬融乃去二也業師薛漢坐楚王謀反事誅莫敢視者范獨往斂之至觸顯宗之

廉范其愚
不可及

怒而叩辨以免三也。噫。范之孝義可謂其愚不可及矣。但依託竇憲得無愧哉。

綱甲戌十七年春正月北海今山東青州府王睦卒。睦少

好學。光武及上皆愛之。嘗遣中大夫詣京師朝賀。名

而謂之曰。朝廷設問寡人。大夫將何辭以對。使者曰。

大王忠孝慈仁。敬賢樂士。臣敢不以實對。睦曰。吁。子

危我哉。此乃孤幼時進趨之行也。大夫具對以孤。襲

爵以來。志意衰惰。聲色是娛。魚犬馬是好。乃為相愛

耳。其智慮畏慎如此。綱白狼等國入貢。益州今四川

都刺史朱輔宣示漢德威懷遠夷。自汶山今成都府茂州以

北海智慮
畏慎

百官上壽

西前世所不至。正朔所未加。白狼繁木。皆西南夷遠國。等百

餘國。皆舉種稱臣奉貢。**綱**夏五月。百官上壽。**法**書上壽不書

此何以書。議滿也。自是西北始多事矣。綱目責備賢者。故特書議之。**目**公卿百官以威

德懷遠。祥物顯應。並集朝堂。奉觴上壽。制曰。天生神

物。以應王者。遠人慕化。實由有德。朕以虛薄。何以享

斯。唯高祖。光武。聖德所被。不敢有辭。其敬舉觴。太常

擇吉日。策告宗廟。仍推恩賜民爵。及粟有差。**綱**冬。

十一月。遣竇固等擊車師。西域國。降之。復置西域都護。

見十六卷戊巳校尉。見十七卷

卷五

耿恭擊却匈奴

漢書傳矢

綱乙亥十八年春二月竇固軍還綱北匈奴擊車師

後王安得殺之遂攻戊校尉耿恭恭擊却之目北單

于遣左鹿作谷王率二萬騎擊車師耿恭時為戊校尉屯

後王部金蒲城遣司馬將兵三百人救之皆為所殺匈奴遂

破殺車師後王安得而攻金蒲城恭以毒藥傳附矢

語去聲匈奴曰漢家箭神其中瘡傷也者必有異虜中矢

者視創昌也傷也皆沸費大驚會天暴風雨隨雨擊之

殺傷甚衆匈奴震怖相謂曰漢兵神真可畏也遂解

去綱夏六月有星孛于太微見十二卷綱秋八月帝

崩日帝崩於東宮前殿年四十八帝遵奉建武光武年號

制度無所變更耕后妃之家不得封侯與預政館陶

今山東東昌府館陶縣公主光武第二女陰皇后所生為梁松所尚為子求郎不

郎官上應列宿

許而賜錢千萬謂羣臣曰郎官上應列宿出宰百里

苟非其人則民受其殃是以難之公車見十一卷以

堅首

反支日戊亥朔一日反支申酉朔二日反支午未朔三日反支辰巳朔四日反支寅卯朔五日反

支子丑朔不受章奏帝聞而怪曰民廢農桑遠來詣

闕而復拘以禁忌豈為政之意乎於是遂蠲消也其

制是以吏得其人民樂其業遠近畏服戶口滋殖焉

賀善 一日求平富教之事綱目屢書于策其開
有終 綱目所無者二事匈奴遣子入學日食詔
羣司極言得失復以示百官是也至其一念之
微近於滿假綱目亦無隱乎爾是以百官上壽
自武帝以來不書惟此獨書春秋
責備賢者綱目於明帝蓋拳拳焉

綱太子烜丹入即位尊皇后曰皇太后葬顯節陵在河

南府城綱冬十月以趙憲為太傅模融為太尉並

錄尚書事錄采記也總領衆事也綱十一月以第五

倫為司空綱倫為蜀郡今四川太守在郡公清所舉

吏多得其人故帝自遠郡用之綱西域攻沒都護陳

睦北匈奴圍已校尉關寵車師叛與匈奴共圍耿恭

綱

詔酒泉太守段彭將兵救之

明發王者不勤遠略非至廣地也以其無益於

事耳自孝武圖制匈奴通西域以耗中國世祖鑒之

閉關謝質西邊自是無事蓋二十年有寶固者始遣

便班超故前年書西域遣子入侍至是甫三載即有

攻沒都護之舉紛紛遂復多事然則西域之於中國

果何補耶即綱目之所書合前後而觀之則得失之

分瞭然在目不待釋而明矣或者猶以班超為奇功

豈不目焉煙者奇龜丘茲慈俱攻沒都護陳睦北

過哉目焉為已校尉屯車於柳中城會中國有

匈奴圍關龍師前王部柳中城於柳中城會中國有

大喪救兵不至車師復叛與匈奴共攻耿恭見恭率

士衆禦之數月食盡窮困乃黃鎧愷甲也弩食其筋革

恭與士卒推誠同死生故皆無二心而稍稍死亡餘

漢書卷九十九

數十人單于知恭已困欲必降之遣使招恭恭誘其

使土城手擊殺之委諸城上單于大怒更益兵圍恭

不能下關寵土書求救帝遣征西將軍耿秉屯酒泉

見十九卷行太守事遣酒泉太守段彭與謁者王蒙

皇甫援發張掖見同上酒泉敦煌見同上三郡及鄯善見同上

二兵合七千餘人以救之綱是月晦日食綱以馬廖

聊為衛尉防為中郎將光為越騎校尉目太后兄弟

終明帝世未嘗改官帝以廖為衛尉防為中郎將光

為越騎越人內附以為騎也校尉廖等傾身交結冠蓋之士爭

赴趣之。**綱**大旱。

肅宗孝章皇帝

名炆。明帝太子。母賈氏所生。馬皇后養之。在位十三年。壽三十一歲而崩。

謚法溫克令儀曰章。帝愷明。帝苛切。每事務從寬厚。然寵任實憲。以啓外戚用權之漸。此其所短也。

綱丙子。肅宗孝章皇帝建初元年春正月。詔廩贍饑

民。**綱**詔二千石勸農桑。慎選舉。順時令。理冤獄。**綱**時

承永平

明帝年號

故事。吏政尚嚴切。尚書陳寵以帝新卽

位。宜改前世苛俗。乃上疏曰。臣聞先王之政。賞不僭

刑。不濫。與其不得已。寧僭無濫。往者斷獄嚴明。所以

第五倫請
為厚

威懲姦惡姦惡既平必宜濟之以寬夫為政猶張琴瑟大絃急者小絃絕陛下宜隆先王之道絳蕩煩苛之法以濟羣生全廣至德帝深納寵言每事務於寬厚第五倫亦上疏曰光武承王莽之餘頗以嚴猛為政後代因之遂成風俗郡國所舉類多辨職俗吏殊未有寬博之選以應上求者也陳畱今河南開封府陳畱縣令劉豫冠軍故城在河南南陽府鄧州令駟協並以刻薄之資務為嚴苦吏民愁怨莫不疾之而議者反以為能違天心失經義非徒應坐去聲豫協亦宜譴舉者務進仁賢

太后不
許封外戚

以任時政。不過數人。則風俗自化矣。上善之。倫雖天
性峭直。然常疾俗吏苛刻。論議每依寬厚云。**綱**關寵
敗沒段彭。擊車師。匈奴走。車師復降。罷都護。及戊巳
校尉官。班超畱屯疏勒。西域國**綱**八月有星孛于天市。
綱丁丑二年夏四月大旱。**綱**上欲封爵諸舅。太后不
聽。會大旱。言事者以為不封外戚故。太后詔曰。王氏
五侯同日俱封。黃霧四塞。見十七卷不聞澍雨之
應。夫外戚貴盛。鮮不傾覆。故先帝防慎舅氏。不令在
樞機之位。又言我子不當與先帝子等。見上今有司

馬廖上疏
勸成德政

奈何欲以馬氏比陰氏乎。帝省詔悲歎，復重請之。太后曰：「常觀富貴之家，祿位重疊，猶再實之木，其根必傷。吾計之熟矣，勿有疑也。」夫至孝之行，安親為上。今數朔遭變異，穀價數倍，憂惶晝夜，不安坐臥，而欲先營外家之封，違慈母之拳拳乎？若陰陽調和，邊境清靜，然後行子之志，吾但當含飴移也，弄孫，不能復關政矣。馬廖太后上疏曰：「昔元帝罷服官春冬夏三服之官，成帝御浣衣，哀帝去樂府，然而侈費不息，至於衰亂者，百姓從行不從言也。夫改政移風，必有其本。傳曰：吳

王春秋吳公子光好劍客百姓多創刀傷癰瘰瘰癧也楚王春秋楚靈王

土好細腰宮中多餓死長安語曰城中好高結同髻音記

四方高一尺城中好廣眉四方且半額城中好大袖

四方全匹帛斯言如戲有切事實前下制度未幾後

稍不行雖或更不奉法良由慢起京師太后深納之

雪航趙氏曰嗚呼明德斯言誠萬世母后之龜鑑也方之呂后封王諸呂孝元王后封諸弟為

侯豈不大有懸絕乎良由伏波將軍忠義之德垂式于後觀其戒兄子嚴教之書足以知其義

方家教之善也明德為貴人時德冠後宮暨母儀天下愈崇儉素后兄廖嘗慮美業難終上書

勸成德政借喻之言足以匡扶治教忠賢萃於一門兩漢外戚無一可擬者倚歟休哉

無二可擬

綱戊寅三年春三月立貴人竇氏為皇后竇融孫

綱已卯四年夏四月立子慶為皇太子竇融之女

廖等為列侯以特進就第有司請封諸舅帝以天

下豐稔王上聲方四垂遠無事從之太后聞之曰吾少

壯時但慕竹帛見十五卷十一志不顧命今雖已老猶戒之

在得故日夜惕厲思自降損何意老志不從萬年之

日長恨矣廖等辭讓不許乃受爵而辭位許之皆以

特進見十七卷三一就第綱六月皇太后馬氏崩秋七月

葬明德皇后綱冬十一月詔諸儒會白虎觀貫議五

詔諸儒會
白虎觀議

五經同異

經同異

書宣帝之篇嘗書會石渠五經矣
書宣帝

七卷

目楊終

言章句之徒破壞怪大體宜如宣帝石

渠故事永為後世則詔太常將大夫博士郎官及諸

儒會白虎觀

在北宮

議五經同異帝親稱制臨決作白

虎議奏

今白虎通是

丁鴻樓望成封桓郁班固賈逵及廣

平王羨皆與

預

固超之兄也

綱庚辰五年春二月朔日食舉直言極諫目詔所舉

以巖穴

士之隱於巖穴者

為先勿取浮華綱夏五月以直言

士補外官

明

直言之士固當出入禁闥補過拾遺可也
以補外官固乃憂其未而失其本乎

以直言士
補外官

直書於此。詔曰。朕思遲去聲。緩而有所待曰直。遲思遲。猶言希望也。

士側席為敬不敢正坐也。異聞其先至者各已發憤吐懣略

聞子大夫之志矣。皆欲置於左右。顧問省納。建武光武

年詔書又曰。堯試臣以職。不直以言語筆札。今外官

多曠。並可以補任。

綱辛巳六年秋七月。以廉范為蜀郡太守。成都今

川咸都府。民物豐盛。邑宇逼側。舊制禁民夜作。以防房火

災。而更相隱蔽。燒者日屬。范乃毀削先令。但嚴使

儲水而已。百姓以為便。歌之曰。廉叔度。范字。來何暮。不

廉范五袴歌

禁火民安作

叶租去聲

昔無襦

如今

五袴

綱壬午七年夏六月廢太子慶為清河王立子肇為

皇太子

發

太子慶以無罪見廢原於竇后之誣陷也

之如出一轍詒謀不足以諂後嗣服

目

初帝納扶風

今陝西

宋楊

二女為貴人大貴人生太子慶梁竦二

女亦為貴人小貴人生皇子肇竇皇后無子養肇為

子謀陷宋氏誣言欲為厭

聲焯入

勝之術乃廢慶為清

河

今山東東昌府恩縣

王以肇為皇太子出宋貴人使小黃門

蔡倫案之皆飲藥自殺慶時雖幼亦知避嫌畏禍言

手詔東平

不敢及宋氏帝更憐之敕皇后令衣服與太子齊等

太子亦親愛慶入則同室出則同與綱秋八月東平

王蒼見上卷歸國是年春諸王來朝東平王蒼留京師至是歸國有司復

奏遣蒼歸國手詔蒼曰骨肉天性誠不以遠近為親

疎然數朔見顏色情重昔時念王久勞思得還休欲

署大鴻臚奏不忍下筆顧授小黃門中心戀戀惻然

不能言於是車駕祖送祖道而送流涕而訣別也

綱癸未八年春正月下梁竦獄殺之綱太子肇之立

也梁氏私相慶皇后以是忌梁貴人數譖之諸竇遂

作飛書

無姓名上書者若飛來也

陷竦以惡逆竦死獄中家徙九

真

見十四卷十九

兩貴人皆以憂死綱馬廖馬防有罪免官

就國目馬廖謹篤自守而性寬緩不能教勅子弟皆

驕奢不謹楊終與廖書戒之廖不能從防光大起第

觀食客常數百人防又多牧馬畜

休去聲

賦斂羌胡帝

數加譴敕禁遏甚備由是權勢稍損賓客亦衰廖子

豫投書怨誹于是有司并奏防光兄弟悉免就國光

比防稍爲謹密帝特畱之後復有詔還廖京師諸馬

既得罪竇氏益貴盛皇后兄憲弟篤喜交通賓客第

五倫上疏曰。寶憲椒房

見十二卷二

之親。典司禁兵。出入

省闈。諸出入貴戚者。類多瑕釁。禁錮之人。尤少守約

安貧之節。更相販賣。雲集其門。蓋驕佚所從生也。三

輔京兆尹左馬

論議者。至云。以貴戚廢錮。當復以貴

解以酒

戚浣濯之。猶解醒

呈酒病

當以酒也。臣愚願陛下中宮

嚴敕憲等。閉門自守。無妄交通士大夫。防其朱萌。令

憲永保福祿。此臣之所至願也。憲以賤直

價請奪沁

侵去聲

水今山西澤州沁水縣

公主

明帝女

園田主。通畏不敢計。後

帝出過園。指以問憲。憲陰

陰

喝嚙塞也

不得對。後發

切實實

覺帝大怒。名憲切責曰：深恩前過奪生田園時，何用

猶以愈猶差趙高指鹿為馬見入卷二十九久念使人驚怖

棄憲如孤雛腐鼠

貴主尚見枉奪，況小民哉！國家棄憲如孤雛腐鼠耳。

憲大懼，皇后為毀減損服，深謝。良久乃得解，使以田

還主。

司馬溫公曰：人臣之罪，莫大於欺罔。是以明君疾之。孝章責憲善矣。然卒不能罪憲，則姦臣安所懲哉？夫人主之於臣下，患在不知其姦。苟或知之而不能討，彼知其不足畏也，則放縱而無所顧矣。是故知善而不能用，知惡而不能去，人主之深戒也。

綱下雒陽令周紆廷獄尋赦出之。周紆為雒陽師京

今河南府洛陽縣。

令下車先問大姓主名吏數

上閭里豪強

以對。紆厲聲曰。本問貴戚若馬賓等輩。

豈能知賣菜

備乎於是部吏爭以激切爲事。貴戚跼

局。踏。積。也。累足。

也累足而行
步之狹也

京師肅清寶駕夜至止女亭亭長拔劍

牌

利

詔遣劍戟士收紆送廷尉。詔獄數日貫。

放射也。○

出之。

綱以班超爲西域將兵長史。帝拜班超爲將

丘

史以徐幹爲軍司馬別遣衛候李邑護送烏孫

見同
于寘

使者到于寘。

三見上

不敢前。因上書陳西域之

功不

可成。又盛毀趙擁愛妻。拘愛子安樂外國。無內

李邑毀班

班超去其妻
班超即遣李邑

顧心。超聞之歎曰。身非曾參而有三至之讒。見六卷十七

恐見疑於當時矣。遂去其妻。帝知超忠。乃切責邑。令

詣超受節度。超即遣邑將烏孫侍子還京師。幹謂超

曰。邑前毀君。欲敗西域。今何不緣詔書畱之。更遣他

吏送侍子乎。超曰。是何言之陋也。以邑毀超。故今遣

之內省不疚。何卹恤同人言。快意畱之。非忠臣也。

綱甲申。元和元年。夏六月。詔議貢舉法。因陳事者多

言郡國貢舉。率非功次。故守職益懈。而吏事寢浸疏。

詔公卿朝臣議。大鴻臚韋彪標。韋賢曾孫曰。夫國以簡賢

為務。賢以孝行為首。是以求忠臣必於孝子之門。夫

人才行少能相兼。是以孟公綽優於趙魏者。不可以

為。滕薛大夫。忠孝之人。持心近厚。鍛鍊之吏。持心近

薄。士宜以才行為先。不可純以閹閹。史記功臣年表。明其等曰閹。積

日日然其要歸在於選二千石。二千石賢則貢舉皆

得其人矣。帝納之。**綱**秋八月。帝南巡。冬十月。至宛

以朱暉為
尚書僕射

今河南南陽
府南陽縣

以朱暉

字文季
南陽人

為尚書僕射

夜

暉賞

為臨淮

今江南鳳陽
府盱眙縣

太守。有善政。民歌之曰。彊直自

遂。南陽朱季。吏畏其威。民懷其惠。時坐法免家居。故

朱暉不從
張林之議

以孔僖為
臺令史

上名而用之。後尚書張林上言。縣官不敢指斥天經子故稱縣官

用不足。宜自煮鹽。脩均輸。見十四卷十五法。暉曰。王制。天子

不言有無。諸侯不言多寡。食祿之家。不得與百姓爭

利。均輸之法。與賈販無異。鹽利歸官。則下民窮愁。誠

非明主所宜行。帝怒。切責諸尚書。暉等皆自繫獄。三

日。詔敕出之。曰。國家樂聞駁議。黃髮賢老也無愆。詔書

過耳。何故自繫。綱十一月還宮。綱以孔僖為蘭臺令

史。謂一令史耳。何魯國今山東兗州府孔僖。涿郡順天府

涿州崔駰。因同遊太學。相與論武帝始崇聖道。號勝文

孔僖以善
自訟

景及後恣已忘其前善鄰房生上書告颺僖誹謗先
帝刺譏當世事下有司僖以善自訟曰凡言誹謗者
謂實無此事而虛加誣之也至如孝武皇帝政之美
惡顯在漢史是為直說書傳實事非虛謗也陛下卽
位以來政教未過德澤有加臣等獨何譏刺哉假使
所非實是則固應悛諍改儆其不實亦宜合容又何
罪焉齊桓公親揚其先君之惡以唱管仲國語魯莊公束縛管仲
仲以與齊桓公公迎而問焉曰昔吾先君襄公築臺
以為高位田狩畢弋不聽國政卑聖侮士而唯女是
崇食必梁肉衣必文繡戎士凍餒是以國家不日引
不月長恐宗廟之不掃除社稷之不血食敢問為此

若何管仲乃對然後羣臣得盡其心。今陛下乃欲為

以致霸之術。十世之武帝遠諱實事。豈不與相公異哉。謹詣闕伏

待重誅。書奏。詔勿問。拜僖蘭臺令史。御史綱賜

賜毛義節均穀

毛義鄭均穀各千斛。法書也。目盧江府。今江南廬州。毛

義東平。今山東兗州。鄭均皆以行義稱於鄉里。南陽

今河南。張奉慕義名往候之。坐定而府檄徵書。適至

以義守安陽。今陝西漢中。令義奉檄而入。喜動顏

色。奉心賤之。辭去。後義母死。徵辟。徵郡國舉曰辟。皆

不至。奉乃歎曰。賢者固不可測。往日之喜。乃為聲親

詔戒俗吏
矯飾

屈也。均兄為縣令，頗受禮遺。均諫不聽，乃脫身為傭。歲餘得錢帛歸，以與兄曰：「物盡可復得，為吏坐贓終身，捐棄兄感其言，遂為廉潔。」均仕為尚書，免歸。帝下詔褒寵，義均賜米各千斛。

綱乙酉二年春正月，詔戒俗吏矯飾者。**目**詔曰：俗吏

矯飾外貌，似是而非，朕甚厭之。甚苦之，安靜之吏，

恬。壁。至。無華。不事文。日計不足，月計有餘，如襄城

令劉方，吏民同聲謂之不煩。雖未有他

異，斯亦殆近之矣。夫以苛為察，以刻為明，以輕為德，

以重為威。四者或興則下有怨心。吾詔書數下冠

蓋接道而吏不加治。民或失職其咎安在。勉思舊令

稱朕意焉。綱二月帝東巡。目帝之為太子也受書於

汝南。今河南汝寧府。張輔。至是東巡。輔為東郡。今山東

守帝幸東郡。引輔及門生掾。吏會庭中。先備弟子

之儀。使輔講尚書一篇。然後脩君臣之禮。行過任城

今山東兗州。幸鄭均舍。賜尚書祿以終其身。時人號

為白衣尚書。綱耕於定陶。今兗州府定陶縣。柴告。燔柴祭天

岱宗。見上卷。宗祀。見三。明堂。見十四卷。三月至魯。今

至魯祀孔

州府曲阜縣

祀孔子。帝祀孔子。及七十二弟子於闕里。

孔子所居里在曲阜縣西二里魯城內。

作六代

黃帝堯舜禹湯武

之樂。大會孔

氏男子六十二人。帝謂孔僖曰。今日之會寧於卿宗

有光榮乎。對曰。臣聞明王聖主莫不尊師貴道。今陛

下親屈萬乘。辱臨敝里。此乃崇禮先師。增輝聖德。非

臣家之私榮也。帝大笑曰。非聖者子孫焉有斯言乎。

拜僖郎中。

綱夏

四月還宮。假

格

于祖禰。

你

綱丙戌三年夏五月司空倫罷。第五倫以老病乞

身。賜策罷。以二千石俸終其身。倫奉公盡節。言事無

第五倫有私

曹褒定漢禮

所依違。性質慤。少文采。在位以貞白稱。或問倫曰。公
 有私乎。對曰。昔人有與吾千里馬者。吾雖不受。每三
 公有所選舉。心不能忘。而亦終不用也。吾兄子病。一
 夜十往。退而安寢。吾子有疾。雖不省。醒視而竟夕不
 眠。若是者。豈可謂無私乎。綱詔侍中曹褒定漢禮。目
 博士曹褒請著漢禮。班固以為宜。廣集諸儒共議得
 失。帝曰。諺言作舍道邊。三年不成。謂彼是此。非故會
 禮之家。名為聚訟。會聚議禮之家。互相爭不定也。互生疑異。筆不得
 下。昔堯作大章。見一卷一夔足矣。見一卷二十五。乃拜褒侍

中授以叔孫通見十卷漢儀十二篇曰此制散覽

不合經今宜依禮條正使可施行

綱丁亥章和元年秋改元書改元不書改此何**是**

時屢有嘉瑞言者咸以為美遂詔改元章和太尉掾

硯何敞昌上聲獨惡之謂宋由袁安曰夫瑞應依德而

至災異緣政而生今異鳥翔于殿屋怪草生于庭際

不可不察由安懼不敢答**綱**八月晦日食**綱**曹褒奏

所撰制度明發去年方書詔曹褒定漢禮今年已書奏

於叔孫後漢儀禮定於曹褒一代大典乃**目**曹褒依

出此二人之手其得失固自不言可知矣

曹褒奏所撰制度

準舊典。雜以五經讖記之文。撰次天子至于庶人冠
婚吉凶終始制度。凡百五十篇。奏之。帝以衆論難
一。故但納之。不復令有司平奏。

致堂胡氏曰。曹褒之志。蓋亦深見叔孫通之儀
有未當者。故憤然欲正之。而章帝亦以是命之
若請博徵名儒。遲以年歲。猶庶幾乎不大違戾
有可行者。而身當重任。決以獨見。纔數月間。遽
成百五十篇。且又雜以讖記之文。蓋不待見其
書而可逆知。舛繆不純乎古之正禮矣。一世大
典。既鮮克留意者。幸而有之。其成就乃爾。豈不惜哉。

綱戊子二年春正月。帝崩。年三十一。遺詔無起寢

廟。一如先帝法制。

順陽范氏曰。魏文帝稱明帝察章帝長子。帝素知人。厭苛切事。從寬厚。盡心孝道。平徭。賦而民賴其慶。又體之以忠恕。文之以禮樂。謂之畏者。不亦宜乎。

綱太子肇即位。年十歲。尊皇后曰皇太后。三月葬敬

陵。在河南府城東南。**綱**太后臨朝。**臣**竇憲以待中內幹管機

崔駰戒竇

密。出宜詔命。弟篤。景。環。規。皆在親要。崔駰以書戒憲

曰。傳曰。生而富者驕。生而貴者傲。生而富貴而能不驕

傲者。未之有也。昔馮野王。見十七卷二十稱為賢臣。近陰衛

尉。見二十卷七克己復禮。終受多福。外戚所以獲譏於時

垂愆於後者。蓋在滿而不挹。位有餘而仁不足。漢興

實憲抄部
鄉侯

外家二十。保族全身。四人而已。書曰：鑒于有殷。周書名諡

可不慎哉。**綱**冬十月。侍中竇憲殺都鄉侯暢。太后

以憲為車騎將軍。使擊北匈奴。以贖罪。**明**發竇憲以圖險之資行

盜賊之計。成殺列侯於屯衛之中。又從而歸罪他人。

洎朝論不容。推舉得實。始正主名。蓋即致于重辟。以

正王誅。既不能然。乃聽其以擊虜自詭。烏有假天討

之威。驅無辜之民。置之鋒鏑之下。以為罪人逃死之

地哉。憲之樂逆固自不可勝誅。然主之于內。以成其

惡者。誰實尸之。故綱目特正其本。不曰憲請北伐而

曰太后以為將軍。使擊匈奴。曰以使而後責始。曰

有歸。此蓋推原禍端之論。為後世母后之戒也。噫。曰

都鄉侯暢。來弔國憂。太后數刑名見之。

實憲懼暢分宮省之權。遣客刺殺暢于屯衛之中。而

實憲懼暢分宮省之權。遣客刺殺暢于屯衛之中。而

歸罪于湯弟剛。使侍御史與青州刺史雜考之。尚書

韓稜

冷平聲

以為賊在京師。不宜捨近問遠。恐為姦臣

所笑。何敞請獨奏案之。於是推舉其得事實。太后怒

閉憲於內宮。憲懼誅。因自求擊匈奴以贖死。乃以憲

為車騎將軍。執金吾

見十六卷二十一

耿秉為副。發兵伐北

匈奴

孝和皇帝

名肇。章帝第四子。母梁貴人所生。竇皇后養之。在位十七年。壽二十七歲而崩。諡法

不剛不柔曰和。是時宦官外戚迭為消長。漢家之禍自此始矣。

綱

己丑。孝和皇帝永元元年春。下尚書僕射

夜到。實

到壽自殺

新錄身知錄

卷二十二

壽吏壽自殺。曰：竇憲將行，公卿詣朝堂上書諫，以為

匈奴不犯邊塞，而無故勞師遠涉，損費國用，微邀功

萬里，非社稷之計。書連上，輒寢。袁安任隗委，免冠固

爭。諍前後十上，眾皆危懼。安隗正色自若。侍御史魯

舊恭諫伐匈奴

恭上疏曰：萬民者，天之所生。天愛其所生，猶父母愛

其子。一物有不得其所者，則天氣為之舛錯。況於人

乎？故愛民者，必有天報。夫戎狄者，四方之異氣也。是

以聖王之制，羈縻見十八卷不絕而已。今匈奴遠藏去

塞數千里，而欲乘其虛耗，蒿去聲利其微弱，是非義之

所出也。今始徵發而大司農調度不足。上下相迫。民
聞之急。亦已甚矣。羣僚百姓咸曰不可。陛下獨奈何。
以一人之計。棄萬人之命。不恤其言乎。太后不聽。又
詔使者爲篤景。實憲二弟起邸第。侍御史何敞上疏言宜
且罷工匠。以憂邊恤民。書奏不省。實憲嘗使門生齊平
聲書詣尚書僕射。到壽有所請託。壽送詔獄。上書
陳憲驕恣。引王莽以誡國家。又因朝會厲音正色。謾
憲等以伐匈奴起第宅事。憲怒。陷壽以誹謗。下吏當
誅。滅死徙合浦。今廣東廉州府合浦縣朱行自殺。**綱**夏六月。實

綱鑑易知錄

卷三十三

三

實憲擊匈奴

登燕然山而還

憲擊北匈奴大破之登燕然山刻石勒功而還

北匈奴自肅宗以來綱目未嘗書其犯邊今實憲乃以盛夏興師攻無罪之虜出塞至于三千餘里揚地

書之不沒其實正以實憲耿秉出朔方今陝西塞著其窮追遠計之罪

與北單于戰于稽落山匈奴中山在燕然山南大破之斬獲甚

衆降二十餘萬人出塞三千餘里登燕然山命中護

軍班固刻石勒功紀漢威德而還綱秋七月會膾稽

山在浙江紹興府城東南崩綱九月以實憲為大將軍綱實氏

兄弟驕縱尚書何敞上封事密奏阜囊封版故日封事曰愛而不

教終至凶戾猶飢而食寺之以毒適所以害之也伏

何敞上封事

見大^一憲兄弟專朝虐用百姓奢侈僭倖誅戮無

罪臣敞區區誠不欲上令^平皇太后損文母^{文王之}

號陛下有誓泉^{左傳隱公元年鄭莊公母武姜愛莊}

于城穎而誓之日不^{公弟共叔段段謀襲鄭莊公遂置母}

及黃泉無相見也之譏下使憲等得長保其福肅

憲乃白^{白於太后}出敞為濟南^{濟南王康}太傅綱大水

綱辛卯三年春二月竇憲遣兵擊北匈奴於金微山

大破之^{匈奴微弱}欲遂滅之遣左校尉

耿夔圍北單于於金微山^{在韃靼國中}大破之出塞五千

餘里而還自漢出師所未嘗至也綱竇憲殺尚書僕

竇憲擊匈奴於金微山

恢竇憲殺樂

射樂恢

書於是恢諫

用諸舅書奏不省乞骸骨歸憲

也編日脩而

風州郡迫恢飲藥死直書實憲殺之明微

亂賊懼矣

實憲以耿夔任尚為爪牙鄧疊郭瑛

為心腹班固傳毅典文章刺史守令多出其門賦斂

吏民共為賂遺

去聲

尚書僕射樂恢上疏曰陛下富於

春秋纂承大業諸舅不宜幹

管

若上能以義自割下能以謙自引則四舅

憲篤可長

保爵土之榮而皇太后永無慙負宗廟之憂矣書奏

不省恢乞骸骨歸憲風

諷州郡迫脇

恢飲藥死於是

朝臣震懼

詹入

無敢違者哀安以天子幼弱外戚擅

流涕

權。每朝會進見。及與公卿言國家事。未嘗不喑。因鳴

去聲。喑。流涕。天子大臣皆恃賴之。

綱壬辰四年夏六月朔日食。地震。旱蝗。**綱**大將

軍寶憲伏誅。書於是收印綬遣就國迫令自殺耳書

追之自殺書殺**目**寶氏父子兄弟充滿朝廷遂謀為

逆。帝知其謀而外臣莫由親接以鉤盾閭上聲。宦者近署。令

與鄭衆誅

鄭衆。謹敏有心。幾作機不事豪黨。遂與衆定議誅憲。詔

執金吾五校尉勒兵屯衛南北宮。閉城門。收憲大將

軍印綬。與篤。景。瓌。皆就國。選嚴能相迫令自殺。

和帝足繼
孝昭之烈

班固著漢
書班昭踵
成之

致堂胡氏曰。竇氏根據已生逆謀。誠欲誅之。未
易舉手。和帝年纔十四。乃能選用祕臣。密求故
事。勒兵收捕中。外肅清。足以繼孝昭之烈矣。所
可恨者。三公不與大政。而鄭衆有功。由是宦者
用權。馴致亡。音。孝昭見十
漢。可勝歎哉。註。五卷十二。

竇氏宗族賓客皆免歸故郡。班固死獄中。固嘗著
漢書。尚未就。詔固女弟曹壽妻昭踵成之。

致堂胡氏曰。班固史筆。自馬遷而後。莫與抗者。
其見古人行事得失成敗之迹。不為不博。人物
志分九等。聖賢愚不肖之分。不為不詳。若外戚
禍敗之釁。則又疊疊皆前日事。固乃為竇憲賓
客。以至殺身。可謂短於識。而長於文。輕於德。而
急於進。自古文人。才士鮮不以此敗者。是故君
子寧為質而野。不為華而史也。

綱以宦者鄭衆為大長秋書大長秋何宮闕職也以

書賞功也。自鄭衆與於大謀而宦者為之常事爾何以帝策勳班賞

衆每辭多受少。帝由是賢之。常與之議論政事。宦官

用權自此始矣。

綱乙未七年夏四月朔日食。秋七月易陽今直隸保定府

易陽地裂雄縣地裂。九月地震。

綱丙申八年春二月立貴人陰氏為皇后。夏蝗。

隴西地震隴西。綱丁酉九年春三月隴西今陝西臨洮府地震。夏六月旱。

蝗除田租及山澤稅。綱秋閏八月皇太后竇氏崩。

初梁貴人既死

見上十二

宮省事祕莫有知帝為梁氏出

者舞陰

今河南南陽府泌陽縣

公主子梁扈

奏記三府

太尉司徒

司空

求得申議太尉張酺

滿言狀帝感慟良久

酺因請

追上尊號存錄諸舅帝從之會貴人姊子上書自訟

乃知貴人枉歿之狀三公

即三府

請奏貶竇太后尊號

不宜合葬先帝帝手詔曰竇氏雖不遵法度而太后

常自減損朕奉事十年深惟大義禮臣子無貶尊上

之文恩不忍離義不忍虧其勿復議

綱

葬章德皇后

冬十月追尊梁貴人為恭懷皇太后葬西陵

劉愷讓國

綱戊戌十年夏五月大水。綱冬十二月以劉愷為郎。

目初居巢

今江南廬州府巢縣

侯劉般

班

薨。子愷當嗣。稱父遺

意。讓其弟憲遁逃十餘歲。有司奏請絕其國。賈逵上

書曰。孔子稱能以禮讓為國。乎何有。有司不原樂善

之心。而繩以循常之法。非所以長克讓之風。成含弘

之化也。詔聽憲嗣爵。徵愷為郎。

綱壬寅十四年夏六月。皇后陰氏廢死。目陰后妒忌

恚

惠

恨。有言后挾巫蠱

見十四卷三十四

道者。后坐廢。以憂

死。綱徵班超還京師。目班超年老乞歸。久之未報。超

妹曹大家

姑。曹壽妻名昭。

上書為

去聲。

超求哀。帝感其言，乃

徵超還。八月，至洛陽。九月，卒。任尚代為都護。謂超曰：

「小人猥承君後，任重慮淺，宜有以誨之。」超曰：「塞外吏

士，本非孝子順孫，皆以罪過徙補邊屯，而蠻夷懷鳥

獸之心，難養易敗。今君性嚴急，水清無大魚，察政為

察察太明。不得下和，宜蕩佚。舒緩之意。簡易寬小過，總大

綱而已。超去後，尚私謂所親曰：「我以班君當有奇策，

今所言平平耳。」尚後竟失邊和。如超言。綱冬，十月，立

貴人鄧氏為皇后。目初，鄧禹嘗謂人曰：「吾將百萬之

班超諫任尚

所言平平

歲時但供紙墨而已

衆未嘗妄殺一人。後世必有興者。其子訓有女曰綏。性孝友好書。傳選入宮爲貴人。恭肅小心。動有法度。承事陰后。接撫同列。常克已以下之。雖宮人隸役。皆加恩恤。帝深嘉焉。及爲皇后。郡國貢獻。悉令禁絕。歲時但供紙墨而已。帝每欲官爵鄧氏。后輒哀請。謙讓。故兄騭質終帝世。不過中郎將。**[綱]**封鄭衆爲鄭衆鄉在河南南陽府侯。**[法]**封侯者也。宦者封侯。漢末之禍。始此矣。**[目]**宦者封侯自此始。

[綱]乙巳。元興元年。冬十二月。帝崩。太子隆卽位。**[目]**初

帝失皇子十數後生者輒隱祕養於民間羣臣無知者及帝崩皇后乃收皇子於民間太子勝有痼疾少子隆生始百餘日迎立以為太子即位綱尊皇后曰皇太后太后臨朝

致堂胡氏曰孝和幼冲即位年十有四而能誅鋤竇憲自是大柄在手威權不失後十六七年間亦無大過舉尊信儒術友愛兄弟優禮賢者克納嘉言四夷希侵中國綏靖方之章帝實乃過之而作史者未能鋪張揚厲闕多矣帝既崩長子有痼疾少子生始百日於是迎立清河王慶豈不善哉而太后有異心焉斯可恨矣

綱雒陽令王渙卒

書

法令未有書卒者其

目渙居身平

卒渙何錄循吏也

正能以明察發摘姦伏

見十五卷二十六

外猛內慈人皆悅

服至是卒官百姓莫不流涕為立祠作詩絃歌以祭
太后詔曰夫忠良之吏國家所以為治也求之甚勤
得之至寡其以渙子石為郎中

孝殤皇帝

名隆和帝少子生僅百餘日太后立之在位一年壽二歲而崩諡法短折不成曰殤

綱丙午孝殤皇帝延平元年春正月以張禹為大傅

徐防為太尉參錄尚書事

目太后以帝在襁

姜上襁聲

欲令重臣居禁內乃詔禹舍宮中五日一歸府每朝

見特贊

獨贊拜也

與三公絕席

綱三月葬慎陵

在河南府城東南

綱夏四月以鄧騭為車騎將軍儀同三司綱秋八月

帝崩太后迎清河王見上子祐入即位太后猶臨朝

發春秋傳曰猶者可已之辭也是時安帝春秋十三

明若輔以大臣自可躬親庶政故太后臨朝綱目書

猶以譏之稱嗚呼賢如鄧氏君子猶不之子況下於此者乎綱九月大水葬康

陵在河南府城東南綱隕石于陳留今河南開封府陳留縣綱冬十月

大水雨去聲霍十二月清河王慶卒

孝安皇帝名祐清河孝王慶之子章帝之孫鄧太后立之在位十九年壽三十一歲而崩諡法

寬容和平曰安○即位數年太后臨朝親政之後內寵益盛

綱丁未孝安皇帝永初元年春三月日食夏四月

鄧騭封

封鄧

及弟惲奎弘閭皆為列侯騭辭不受

書書不
法受何

嘉讓

綱秋九月以寇賊雨水策免太尉防徐司空勤

也

尹發東漢自中世以來寇賊災異輒策免三公夫鎮

勤明撫中外變理陰陽固三公職也豈知是時戚臣

用事乃悉歸罪三公可乎然為三公者職思其憂苟

不得行其志盍亦不待譴逐引身而去可乎冒居其

位諉曰權非已出誰實尸之故東漢諸賢病在去之

不早綱目直書以寇賊雨水策免雖欲盡辭其責可

三公以災
異免

目三公以災異免自此始仲長

復姓統曰光武愠數

世之失權忿彊臣之竊命矯枉過直政不任下罷置

三公事歸臺閣

蛤

自此以來三公之職備員而已至

於中世權移外戚寵被近習怪異數至水旱為災而

反以策讓責也三公至於死免豈不冤哉

綱戊申二年春正月鄧騭擊鍾羌大敗綱夏旱五月

太后親錄囚徒

書書親錄囚徒何嘉恤旱也然則以法母后與政無譏歟貶必於其重者

書猶臨朝足以示貶矣

皇太后幸洛陽寺官之所止日寺及若盧獄

錄囚徒洛陽有囚實不殺人而被考擊也自誣羸困輿

見畏吏不敢言將去舉頭若欲自訴太后呼還問狀

具得枉實即收令抵罪行未還宮澍注雨大降綱六

月大水大風雨雹秋七月太白入北斗綱冬十一

月徵鄧騭為大將軍目鄧騭在位頗能推進賢士薦

太白入北斗

關西孔子

何熙李邵等列於朝廷又辟壁舉也弘農今河南河南府靈寶縣

楊震巴郡今四川重慶府陳禪等置之幕府見十四卷八天下稱

之震孤貧好學通達博覽諸儒為之語曰關西孔子

楊伯起字震聞而辟之累遷荊州今湖廣荊州府刺史東萊

今山東萊州府太守當之郡道經昌邑故城在山東兗州府金鄉縣故所

舉荊州茂才王密為令夜懷金遺去聲震震曰故人知

楊震四知

君君不知故人何也密曰暮夜無知者震曰天知地

知我知子知何謂無知者密愧而出子孫常疏食步

清白吏子孫

行故舊或欲令平聲為開產業震曰使後世稱為清白

吏子孫以此遺之不亦厚乎。

綱已酉三年春正月京師大饑民相食夏四月令

吏民入錢穀得拜官賜爵有差冬十二月并兵今山

西太涼今陝西行都大饑人相食

綱庚戌四年春正月詔以涼州牧守子弟為郎目廢

參說稅鄧騭徙邊郡不能自存者入居三輔武帝立

左馮翊右扶風為三輔今騭然之欲棄涼州并力北

邊郎中虞詡許言於太尉張禹曰若大將軍之策不

可者三先帝開拓土宇勞而後定今憚小費舉而棄

虞詡諫棄涼州

之一也。涼州既棄，節以三輔爲塞，園陵見十八卷單

外二也。諺曰：關西出將，關東出相。烈士武臣多出涼

州。士風壯猛，便習兵事。今羌胡所以不敢入據三輔

爲心腹之害者，以涼州在後故也。涼州士民所以推

鋒執銳胃父死子戰，無反顧之心者，爲臣屬於漢故

也。今割而棄之，民庶安土重遷，必引領而怨曰：中國

棄我於夷狄。如卒粹然起謀，因天下之飢敝，驅氏羌

以爲前鋒，席卷上聲而東，則函谷關名在河南河以西

園陵舊京，非復漢有三也。禹以爲然，詔因說禹網羅

涼土雄傑引其牧守子弟於朝外以勸勵答其功勤

內以拘致防其邪計禹善其言更集四府太師太傅司徒司空

皆從詡議於是辟西州豪傑為掾硯屬拜牧守長吏

虞詡為朝歌長

子弟為郎以安慰之綱以虞詡為朝歌長討縣境羣

盜平之目鄧騭以前議惡虞詡欲以法中去聲之會朝

歌今河南衛輝府賊數千人攻殺長吏屯聚連年州郡不能

禁乃以詡為朝歌長故舊皆弔之詡笑曰事不避難

臣之職也不遇盤根錯節無以別利器樹根之盤互木節之交錯

非堅利之器此乃吾立功之秋也及到官設三科以

盤根錯節

三科募士

采線縫裾

日南地坼

河東地陷

募壯士掾吏以下各舉所知攻劫者為上傷人偷盜

者次之不事家業者為下是為三科收得百餘人賞也其

罪使人賊中誘令劫掠乃伏兵以待之殺數百人又

潛遣貧人能縫者傭作賊衣以采線縫其裾居衣後裾

有出市里者吏輒禽之賊於是駭散縣境皆平

綱甲寅元初元年春二月日南見十四卷十八地坼長百

餘里綱夏旱蝗六月河東今山西平陽府地陷

綱乙卯二年夏四月立貴人閭氏為皇后書於是帝即位九

年二十二年矣立后之遲未有如此者而竟得妒后卒以亂朝關雎憂在進賢宜矣哉**綱**后性

虞詡爲武都太守

妒忌後宮李氏生皇子保后鳩

見十一卷一

殺李氏

綱冬

以虞詡爲武都太守擊羌破之。太后聞虞詡有將

帥之略以爲武都

今陝西鞏昌府階州

太守羌衆數千遮詡于

陳倉

今陝西鳳翔府寶雞縣

嶠谷

在河南河南府永寧縣北卽嶠山也

詡卽停車

不進而宣言上書請兵須到當發羌聞之乃分鈔

抄

略也傍縣詡因其兵散日夜進道兼行百餘里令吏士

各作兩竈日增倍之羌不敢逼或問曰孫臏減竈

見六

虞詡增竈

卷二而君增之兵法日行不過三十里而今日且二百

里何也詡曰虜衆多吾兵少徐行則易爲所及速進

虞翻示強

則彼所不測。虜見吾竈日增。必謂郡兵來迎。衆多行
速。必憚追我。孫臏見現弱。吾今示強。勢有不同。故也。
既到郡。兵不滿三千。而羌衆萬餘。攻圍赤亭。在鞏昌府隴西
縣。數十日。詡乃令軍中強弩勿發。而潛發小弩。羌以
爲矢力弱。不能至。并力急攻。詡於是使二十強弩共
射石。一人發。無不中。羌大震退。詡因出城奮擊。多所
傷殺。明日。悉陳其兵衆。令從東郭門出。北郭門入。貿
易衣服。回轉數周。羌不知其數。更相恐動。詡計賊當
退。乃潛遣五百餘人。于淺水設伏。候其走路。虜果大

奔。因掩擊大破之。賊由是敗散。詔乃占相地勢築營。

壁軍百八十所。招還流亡。假賑貧民。開通水運。視事

三年。人足家給。一郡遂安。

豫章芝草生

綱已未六年冬十二月朔日食既地震綱豫章芝

草生

書法見十四卷二十五

綱豫章

今江西南昌府

有芝草生。太守劉

祇欲上之以問郡人唐檀。檀曰。方今外戚豪盛。君道

微弱。斯豈嘉瑞乎。祇乃止。

尺木堂綱鑑易知錄

三

周之炯靜專

通鑑綱目定本
山陰吳乘權楚材同輯

周之燦星若

東漢紀

孝安皇帝

綱庚申末寧元年夏四月立子保爲皇太子以楊

震爲司徒

綱辛酉建光元年春三月皇太后鄧氏崩封鄧騭爲

上蔡

今河南汝寧府上蔡縣

侯

太后自臨朝以來水旱十載

四夷外侵盜賊內起每聞民飢或達旦不寐躬自減

徹以救災厄故天下復平歲仍豐穰然帝已年長久

不還政潁川

今河南開封府許州

杜根嘗上書言之太后大怒

盛以縑囊撲殺之載出城外得蘇逃竄為宜城

今湖廣襄陽府宜城

杜根為酒家保

陽府宜城縣

山中酒家保

酒家作保傭也

積十五年平原

今山東濟南府

平原縣

成翊世亦坐諫太后不歸政抵罪至是尚書陳

忠薦之帝拜根侍御史翊世尚書郎或問根曰往者

遇禍何至自苦如此根曰周旋民間非絕迹之處避

諫舉有道之士

陳忠諫廣帝意

追發露禍及親知故不為也。綱葬和熹皇后。追尊

清河孝王曰孝德皇。皇妣曰孝德后。綱夏詔舉有道

之士。書詔舉有道終綱。目尚書陳忠以詔書既開諫

爭。慮言事者必多激切致不能容。乃上疏豫廣帝意

曰臣聞仁君廣山藪之度納切直之謀。忠臣盡蹇同

謬之節不畏逆耳之害。今明詔引咎克躬諮訪羣吏

言者見杜根成翊世等。新蒙表錄顯列二臺。必承風

響應爭為切直。嘉謀異策宜輒納用如其管穴。猶東

所謂以管窺天之意。謂言事者妄有譏刺。雖苦口逆

耳不得事實且優游寬容以示聖朝無諱之美從之

綱以薛包為侍中不拜書書予之也書目初汝南河

薛包至行

南汝寧府薛包少有至行父娶後妻而憎包分出之包日

夜號豪泣不忍去至被毆扑不得已廬于外旦入灑

掃父怒又逐之乃廬于里門昏晨不廢積歲餘父母

慙而還之及父母亡包

中分其財奴婢引其老

使也田廬取其荒燕百

也器物取朽敗者曰我
所服食身口所安也弟子

加禮如毛

數別破其產輒復賑給帝聞其名令公車見十一徵

至拜侍中包以死自乞詔賜告歸加禮如毛義見上

六綱徙封鄧騭為羅今湖廣長侯遣就國騭自殺不

而死平原王翼河間王子鄧太后徵為平原懷王勝

后兄弟謀立為都鄉在直隸順侯書於是騭徙封就

平原王故敗為都鄉天府涿州侯法國不食而死則

曷為以自殺書甚遣之者也騭為綱以耿寶監羽林

賢臣貶追至此綱目之所深惜也綱以耿寶監羽林

車騎封宋楊四子及宦者江京李閏皆為列侯書自

后卽世至是僅四閱月而安帝初政所行乃爾觀綱

目所書封宋楊四子及宦者之事則其不德之實曉

然可目帝以耿貴人帝母兄寶監羽林車騎宿衛宋

見矣目帝以耿貴人耿姬兄寶監羽林車騎之士宋

氏見上卷封侯為卿校侍中者十餘人閭后兄弟顯

景耀並典禁兵江京李閏皆為列侯與中常侍樊豐

劉安陳達及王聖帝乳母聖女伯榮扇動內外競為侈

虐出入宮掖傳通姦賂司徒楊震上疏曰臣聞政以

得賢為本治以去上聲穢為務方今九德書臯陶謨亦

言德之見於行者其凡有九也未事末任嬖倖充庭王聖賤微得奉

聖躬雖有推燥居溼之勤前後賞惠過報勞苦而外

交屬祝託損辱清朝宜速出阿母阿依之母舍居外

舍斷短絕伯榮莫使往來帝以疏示聖等皆忿恚綱

楊震請速出王聖斷絕伯榮

秋八月以劉愷為太守。居延故城在陝西行都尉

范邠犯賊罪。吏議欲增錮二世。劉愷以為春秋之義

善善及子孫。惡惡止其身。公羊傳。昭公二十年。君子

春秋進人惡止其身善所以進人於善也。今以輕從重。懼及善

善及子孫。所以進人於善也。今以輕從重。懼及善

人。非先王祥刑之意也。詔從之。書呂刑。告爾祥刑。註。刑。器也。而謂

大之意也。詔從之。者。刑期無刑。民協于中。其祥莫

緇壬戌。延光元年秋九月。遣宦者及乳母王聖女伯

榮詣甘陵。帝父孝德皇之陵墓。今直隸廣平府清河縣。尚書僕射夜陳

忠上疏曰。竊聞使者所過。威動郡縣。王侯二千石

陳思康造女使

同益易知錄

卷二十三

漢安帝

四

至為伯榮獨拜車下脩道繕亭徵役無度賂遺去聲僕

從去聲人數百匹伯榮之威重于陛下陛下之柄在于

臣妾昔韓嫣帝幸臣託副車之乘受馳視之使江都

誤為一拜而嫣受歐刀刑人之刀之誅江都易王景帝之

獵上林天子車駕未行而先使嫣乘副車從數十騎

驚馳視獸江都王望見以為天子乃辟從者伏謁道

旁嫣驅不見既過江都王怒為皇太后臣願明主嚴天

后泣後以姦聞太后使使賜嫣死元尊正乾剛之位不宜復令女使干錯萬幾

書奏不省綱汝南黃憲卒書布衣未有書卒者卒黃太守王龔政崇溫和

好才愛士。以袁閭郎為功曹郡錄事。引進黃憲陳蕃。

不屈蕃就吏。閭不脩異操。蕃性氣高明。憲世貧賤。父

為牛醫。憲年十四。潁川今河南開封府許州荀淑遇於逆旅。客舍

也。竦然異之。揖與語。移日不能去。謂曰。子吾之師表。

也。前見袁閭。未及勞去聲。問逆曰。子國有顏子寧識之。

乎。閭曰。見吾叔度字憲。耶。同郡戴良才高倨傲。而見憲。

未嘗不正容。及歸。罔惘然若有失也。其母問曰。汝復

從牛醫兒來耶。對曰。良不見叔度。自以為無不及。既

觀其人。則瞻之在前。忽然在後。固難得而測矣。陳蕃

牛醫兒

周舉常相謂曰時月之間不見黃生則鄙吝之萌復

存乎心矣太原

今山西太原府郭泰字林

少游汝南過袁閭

不宿而退從憲索曰乃還或問之泰曰奉高字閭之器

譬之沆

癸濫咸上聲。泉旁出曰濫。泉正出曰濫泉。

雖清而易挹

挹。酌也。

叔度汪汪

深廣貌。

若干頃波

同陂音卑。畜水曰陂。

澄之不清渚

之不濁不可量也

朱子曰黃憲言論風旨雖不盡見然其氣象濫厚圭角渾然見之者有所感於心亦其最高乎使得聖人作成之當居顏氏之科矣

綱癸亥二年夏四月封王聖為野王

今河南懷慶府河內縣

君

[綱]此乳母也。何不揭而書之。蓋已見之於前矣。失以

得乳嫗而列爵受封。大書于冊。漢治雖欲不衰。其可

乎。**[綱]**以班勇班超為西域長史。將兵屯柳中。見上**[綱]**

冬。以楊震為太尉。**[目]**耿寶薦李閏。兄於震曰。李常侍

宦官曰國家所重。欲令公辟也。舉其兄寶唯傳上意耳。

震曰。如此。則宜有尚書敕。寶大恨而去。**[目]**顯閏后亦

薦所親。震又不從。司空劉授聞而辟之。震益見怨。**[綱]**

十二月。地震。**[綱]**聘處士周燮。馮良不至。**[目]**陳忠薦汝

南。見上周燮。南陽今河南馮良。學行深純。隱居不仕。帝

以羔幣聘之。燮宗族勸之曰。夫脩德立行。所以為國

東岡之陂

糾錄易知錄

卷二三

六

君獨何為守東岡之陂

坡。在汝寧府城東南。周變隱處。

乎。變曰夫

脩道者度

鐸

時而動動而不時焉得亨乎與良皆自

載至近縣稱病而還

楊震自殺

綱甲子三年春二月帝東巡三月還未入宮策收太

尉震印綬遣歸故郡震自殺

書未入宮何急辭也帝之法信讒果矣故特筆

書目樊豐等憤怨楊震會趙騰上書指陳得失帝發

怒欲誅騰震救之帝不聽竟殺之及帝東巡豐等共

譖震云自趙騰死後深懷怨懟且鄧氏故吏有恚恨

心帝然之及還京師便臨太學卽其夜遣使者策收

城西夕陽亭

震太尉即綬震於是柴門

塞斷其門不通出入

絕賓客豐等復

惡之令耿寶奏震恚望有詔遣歸故郡至城西夕陽

亭乃慷慨謂其諸子門人曰死者士之常分吾蒙恩

居上司疾姦臣狡猾而不能誅惡嬖女傾亂而不能

禁倚面目復見日月因飲酖

見十一卷一

而卒太僕來歷

曰耿寶傾側姦臣傷害忠良禍將至矣

致室胡氏曰安帝三公無出震之右者然人臣以道事君合則留違則去震以三公之尊而奏一乳媪而不能動宜去久矣至是遂取殺身之禍忠則忠矣然其燭理不明而處義不精亦不足稱也

綱秋八月以耿寶為大將軍。綱九月廢太子保為濟

陰。今山東王。江京樊豐與閭。是月晦日食。地震。

大水雨。去聲。

綱乙丑四年春二月帝南巡。三月朔日食。綱帝崩

于葉。備。今河南。南陽府葉縣。還宮發喪。綱帝崩于乘輿。天子以四海為

家故行日乘輿止日行在。皇后與閭顯兄弟江京樊豐等謀以濟

陰王在內恐公卿立之乃偽云帝疾甚徙御臥車馳

歸四日至洛陽。綱尊皇后曰皇太后。太后臨朝以閭

顯為車騎將軍儀同三司。迎北鄉。在山東濟南府長清縣。侯懿

入卽位

割紙曰書尊皇后爲皇太后多矣上必有書

也名號正則可以臨朝矣

太后欲久專國政貪立幼年與顯等

定冊迎章帝孫濟北惠王子北鄉侯懿爲嗣濟陰王

以廢黜不得土殿親臨

去聲哭也

梓宮

天子棺以梓木爲之曰梓宮

悲號

毫

不食內外羣僚莫不哀之綱樊豐等下獄死

耿寶自殺王聖伯榮徙雁門綱閭顯忌樊豐耿寶

諷

有司奏貶寶爲亭侯遣就國寶自殺豐及謝暉

趙

周廣下獄死聖母子徙雁門

今山西太原府代州

而以弟景等

爲卿校並處權要威福自由綱葬恭陵

在河南府城東南

綱

冬十月北鄉侯薨。閭顯白太后。祕不發喪而更徵

諸王子閉宮門。屯兵自守。綱十一月地震。中黃門

孫程等迎濟陰王保入即位。誅閭顯等。遷太后于離

宮。封程等十九人為列侯。

十九侯

致堂胡氏曰。安帝柔闇不君。始則閭后妒忌殺太子之母而不能保。繼而乳母恣橫。譖太子廢之而不能辨。一旦不諱樹立嬰孩。遂使中官得以順人心。仗正義。扶立所廢而權歸閭。尹國無人焉。漢氏之衰可知矣。

綱改葬故太尉楊震祠以中牢。書祭臣不書此何以

祠楊震以

中牢

皆事後之

思

豐敗而後祠。楊震宦官敗而後祭。陳寶遼水敗而後祀。魏徵祿山反而後祭。九齡皆事後之思也。註音

祭陳寶見二五卷九祀魏徵見
四四卷二九祭九齡五一卷四

郎贈錢百萬以禮改葬去年楊震遣歸故郡飲醢而卒弘農太守移良畱停震喪

大鳥集喪露棺葬日有大鳥高丈餘集震喪前郡以狀上帝感

震忠直詔復以中牢具祠之

孝順皇帝名保安帝太子在位十九年壽三十二歲而崩諡法慈和徧服曰順帝即位之初

天下想其風采黃瓊李固之徒相繼登用東京之士於茲盛焉然闡宦弄權梁氏用事賢人君子不能救漢

祚之衰矣

綱丙寅孝順皇帝永建元年春正月帝朝太后於東

宮從李郃之請也綱皇太后閹氏崩二月葬安思皇后綱

秋七月以來歷為車騎將軍。綱下司隸校尉虞詡獄。

尋赦出之。以為尚書僕射。夜左雄為尚書。司隸校

尉虞詡。許到官數月。奏太傅馮石。太尉劉熹。免之。又

劾中常侍程璜。陳秉孟。生李閏等。百官側目。三公太尉

虞詡上書自訟

司徒。劾詡盛夏拘繫無辜。為吏民患。詡上書自訟曰。

法禁者俗之隄。防。刑罰者民之銜轡。今州曰任

郡。郡曰任縣。吏相委遠。百姓怨窮。以苟容為賢。盡節

為愚。臣所發舉。賊罪非一。三府。公。即三。恐為臣所奏。遂

加誣罪。臣將從史魚死節。以尸諫耳。韓詩外傳。衛大夫史魚死。謂其

子。曰。史魚死。謂其

子曰。我言蘧伯玉賢。不能進。衛子瑕不肖。不能退。死不當埋。殯于室足矣。子以父言聞之。君乃立召伯玉而貴之。子又案中常侍張防。屢寢不報。詔不勝升憤。

乃自繫廷尉。奏言曰。昔樊豐幾亡社稷。今張防復弄

威柄。臣不忍與防同朝。謹自繫以聞。書奏。坐論輸左

校。教。左校令掌左工。屬將作大匠。二日之中。傳轉考四獄。浮陽故城。

孫程救虞詡

在直隸河間府滄州。侯孫程等乞見言。虞詡盡忠。更被拘繫。張

防賊罪明正。反構忠良。於是防坐徙邊。即赦出。詡程

復上疏云。詡有功。語甚激切。帝感悟。徵拜議郎。數日

遷僕射。詡上疏曰。方今公卿以下。類多拱默。至相戒

虞詡薦左雄

曰白璧不可為後書黃瓊傳較容容隨衆上多後福

伏見議郎左雄有王臣蹇蹇之節易蹇卦六二王臣蹇蹇匪躬之故蹇

難也言不避艱險以求濟之是宜擢在喉舌之官後書

楚而又蹇非以其身之故也李固傳陛下之有尚書猶天之有北斗斗為天喉舌尚書為陛下喉舌必有匡弼之益

由是拜雄尚書

綱丁卯二年夏六月追尊李氏見上卷三十二為恭愍皇后

綱秋七月聘處士樊英以為五官中郎將**目**初南陽

今河南樊英少有學行隱于壺山在南陽府裕州之陽州郡

禮請公卿舉賢良有道安帝賜策書徵皆不至是歲

聘處士樊英

帝復以策書玄纁

纁赤色帛五匹為束三五二纁

備禮徵之英固辭

疾篤不聽英不得已到京稱疾強輿入殿猶不能屈

帝乃設壇賜几杖待以師傅之禮延問得失拜五官

中郎將數月英稱疾篤詔以為光祿大夫賜告歸英

初被詔命眾皆以為必不降志南郡

今湖廣荊州府

王逸與

書勸使就聘及後應對無奇謀深策談者失望河南

張楷謂樊英

今河南河南府

張楷謂曰天下有二道出與處也吾前以子

之出能輔是君也濟斯民也而子始以不訾

量也之

身怒萬乘之主及其享受爵祿又不聞匡救之術進

進退無所據

退無所據矣。**[綱]**以處士楊厚黃瓊為議郎。**[目]**時又徵

廣漢

今四川成都府漢州

楊厚江夏

今湖廣武昌府

黃瓊厚至豫陳漢

有三百五十年之厄以為戒拜議郎瓊將至李固以

書逆

迎遺也

之曰伯夷隘柳下惠不恭不夷不惠可

否之間聖賢居身之所珍也。自生民以來善政少而

亂俗多。必待堯舜之君此為士行其志終無時矣。語

曰嶢嶢

同磽音敲堅硬也

者易缺皦皦

明白也

者易汙盛名之

下其實難

副近魯陽

今河南南陽府裕州

樊君英

被徵初至朝

廷設壇席猶待神明雖無大異而言行所守亦無所

李固遺書

驅驢負笈

沈景為河
間相

缺而毀謗布流。應時折減者。豈非觀聽望深。聲名太盛乎。是故俗論皆言處士純盜虛聲。願先生弘此遠謨。令平聲衆人歎服。一雪此言耳。瓊至拜議郎。稍遷尚書僕射。數朔上疏言事。上頗采用之。固合郃之子也。少好學。郃為司徒。固改姓名。杖去聲策馬驅驢負醒笈及。從師不遠千里。每到太學。密入公府定省。不令同業諸生知其為郃子也。

綱已巳四年夏五月桂陽今湖廣郴州獻大珠還之。

綱辛未六年春二月以沈景為河間相。河間今直隸河

綱

卷二十三

漢順帝

十二

府開王政傲狠不奉法帝以侍御史沈景有彊能擢爲

河閒相景到國謁王王不正服箕踞

散坐也坐伸兩足以手按膝形

如箕也

殿上侍郎贊拜景峙

池上聲挺然立也

不爲禮問王所

在虎賁

奔勇士之號言其勇猛如虎之賁騰

曰是非王邪景曰王不

正服常人何別今相謁王豈謁無禮者邪王慙而更

耕服景然後拜出請王傳責之曰前發京師陛見受

詔以王不恭使相簡督諸君空受爵祿曾無訓導之

義因捕諸姦人奏案其罪出冤獄百餘人政遂改節

悔過自脩綱秋九月起太學目初安帝薄于藝文博

士不復講習。朋徒怠散。學舍頽敝。鞠盡也為蔬園。將作

大匠官名。掌脩作宗廟殿寢宮室陵園土木之工。翟宅前蒲土疏請更脩

繕誘進後學。帝從之。

綱壬申。陽嘉元年。春正月。立貴人梁氏為皇后。帝

欲立后。而貴人有寵者四人。莫知所建。議欲探貪籌

以定。僕射夜胡廣等諫曰。恃神任筮。不必當賢。就值

其人。猶非德選。宜參良家。簡求有德。德同。以年。年鈞

以貌。稽之典經。斷之聖慮。帝從之。恭懷皇后見上卷二十五

弟子乘氏故城在山東兗州府鉅野縣。侯商之女。選為貴人。常特

孫壽定后

立孝廉限
年課試法

被引御從容辭曰夫陽以博施為德陰以不專為義

願陛下思雲雨之均澤小妾得免於罪帝由是賢之

立以為后綱夏四月以梁商為執金吾見十六卷綱

冬立孝廉限年課試法書議也其議何與廉舉孝而法限之年且試家法課箋奏

非初意矣下書增綱尚書令左雄上疏曰寧民之道

必在用賢用賢之道必存考黜吏數朔變易則下不

安業久於其事則民服教化今俗浸彫敝巧偽滋萌

典城百里轉動無常各懷一切苟且莫慮長久臣愚

以為守相長吏有顯效者可就增秩勿移徙非父母

左
察舉法
察舉法

喪不得去官。帝詔悉從之。而宦官不便。終不能行。雄

又言。孔子曰。四十不惑。禮稱彊仕。曲禮四十曰彊而仕。請自今

孝廉年不滿四十。不可察舉。皆先詣公府。諸生試家

法。習詩者曰詩家。習禮者曰禮家。文吏課牋奏。牋表副之。再往端門。

殿之正門。練其虛實。若有茂才異行。自可不拘年齒。帝從

之。令郡國舉孝廉限年四十以上。諸生通章句。文吏

能牋奏。乃得應選。其有茂才異行。若顏淵子奇。齊人年十

入齊君使主東阿。阿縣大化。不拘年齒。雄亦公直精明。能審覈真

偽。決志行之。頃之。胡廣出為濟陽。故城在山東兗州府曹縣。太守

與諸郡守十餘人皆坐謬舉免黜唯汝南今河南汝寧府陳

蕃今河南開封府許州李膺下邳今江蘇淮安府邳州陳球等三

十餘人得拜郎中自是牧守畏慄莫敢輕舉迄于永

嘉中帝號年察選清平多得其人

陽夏袁氏曰古者四十而仕非謂仕必是年也特舉其大限以為言耳且顏淵子奇曠代一有格不亦偏乎

綱癸酉二年春正月徵郎顗以為郎中不就**回上**

召郎顗問以災異顗上章曰三公上應台階即泰階也泰階

三台也凡六星下同元首政失其道則寒陰反節今之在位

對 陽夏袁氏

郎顗條便
宜七事

競托高虛。納累鍾之奉。舊亡天下之憂。以此消伏災。

青

生上聲

興致升平。其可得乎。因條便宜七事。一。園陵

火災。

去年閏十二月恭陵百丈廡災

宜念百姓之勞。罷繕脩之役。二。

立春以後。陰寒失節。宜采納良臣。以助聖化。三。今年

少陽春旱。夏水宜務節約。四。去年八月熒惑

見十八卷八

出入軒轅。

軒轅十二星后妃所居

宜簡出宮女。五。去冬有白氣

從西方天苑。

天苑十六星如環狀

趨參。

森。參為白虎三星直

左足入王

井。

參下四星名玉井

恐有羌寇。宜為備禦。六。近者白虹貫日。

宜令中外官司。並須立秋。然後考事。七。漢興以來。三

山陽君

百二十九歲。於時三暮宜大蠲法令有所變更。王者之法。譬猶江河。當使易避而難犯。書奏。特拜郎中。辭病不就。

綱

封乳母宋娥為山陽

今山東兗州府

君。帝之立

也。娥與其謀。故封之。又封梁商子冀為襄邑

今河南歸德府

左雄上封事

侯左雄上封事

見上卷二十二

曰。高皇帝約非有功不侯。

不宜追錄小恩。虧失大典。帝不聽。

綱

夏四月。京師地

京師地震

震。詔公卿直言。舉敦樸之士。

綱

京師地拆。詔引敦樸

士對策。

書

京師地震。綱月不書京師地道之變。遠近不異也。此其再書京師何。震拆同月也。警

戒至矣。

目

洛陽宣德亭地拆八十五丈。帝引公卿所舉

敦樸士對策李固對曰漢興以來三百餘年賢聖相繼十有八主豈無阿乳之恩豈無貴爵之寵然上畏天威俯案經典知義不可故不封也今采阿母雖有功勤但加賞賜足酬其勞裂土開國實乖舊典聞阿母體性謙虛必有遜讓陛下宜許其辭國之高使成萬安之福夫妃后之家所以少完全者豈天性當然但以爵位尊顯顯總權柄天道惡盈不知自損故至顛仆今梁氏子弟羣從榮顯兼加永平明帝建初章帝故事殆不如此宜令還居黃門之官使權去外戚

政歸國家。陛下之有尚書。猶天之有北斗。斗爲天喉
舌。尚書亦爲陛下喉舌。斗斟酌元氣。運平四時。尚書
出納王命。賦也政四海。今與陛下共天下者。外則公
卿尚書。內則常侍黃門。譬猶一門之內。一家之事。安
則共其福慶。危則通其禍敗。刺史二千石。外統職事。
內受法則。夫表曲者影必邪。源清者流必潔。猶叩樹
木。百枝皆動也。夫人君之有政。猶水之有隄。低防。房
隄防完全。雖遭霖潦。不能爲變。政教一立。同暫遭凶
年。未足爲憂。今隄防雖堅。漸有孔穴。譬之一人之身。

本朝者。心腹也。州郡者。四支也。心腹痛。則四支不舉。故臣之所憂。在心腹之疾。非四支之患也。苟堅隄防。務政教。先安心腹。整理本朝。雖有寇賊水旱之變。不足介意。不然。則雖無水旱之災。天下固可憂矣。又宜罷退宦官。去其權重。裁置常侍二人。方直有德者。省事左右。小黃門五人。才智閑雅者。給事殿中。如此。則論者厭煙入聲塞。升平可致也。上覽衆對。以李固爲第一。卽時出阿母還舍。諸常侍悉叩頭謝罪。朝廷肅然。以固爲議郎。綱秋七月。太尉龐參免。目太尉龐參在。

三公中最名忠直數為左右所毀司隸乘作風承望

按之參稱疾後參夫人疾前妻子殺之雒陽令奏參

罪竟以災異免

綱甲戌三年夏五月旱固上露坐德陽殿東廂請雨

問尚書周舉以消變之術舉對曰臣聞陰陽閉隔則

二氣否塞風雨不時水旱成災陛下廢文帝光武之

法而循亡秦奢侈之欲內積怨女外有曠夫自枯旱

以來彌歷年歲未聞陛下改過之效徒勞至尊暴僕

露風塵誠無益也宜出後宮不御之女除太官重膳

周舉消變
對

之費。慎官人。去貪佞。張衡亦言。前年京師地震。土裂。

裂者。威分震者。民擾也。願陛下思惟。所以稽古率舊。

刑德八柄

勿令

平聲

刑德八柄

柄。猶器之有柄也。周禮。天官冢宰。以八柄詔王。馭羣臣。一曰爵。以馭其貴。二曰祿。以馭其富。三曰予。以馭其幸。四曰置。以馭其行。五曰生。以馭其福。六曰奪。以馭其貧。七曰廢。以馭其罪。八曰誅。以馭其過。

不由天子。然後神望允塞。災消不至。

張衡請禁學圖識

矣。衡又以中興之後。儒者爭學圖識。

圖識。七緯也。易緯。書緯。詩緯。禮緯。樂緯。孝經。緯。春秋。緯。蓋漢末夏賀良之徒。為之以為有經必有緯也。

緯樂緯。孝經緯。春秋緯。蓋漢末夏賀良之徒。為之以為有經必有緯也。

上疏言。圖識成

於哀平

哀帝。平帝。

之際。皆虛偽之徒。以要

平聲世取資欺罔

較

覺然也。甚明。

莫之糾禁。且律歷卦候九宮。

太一下行。八卦之宮。

每四乃還於中風角角隅也謂侯四方四隅之風以占吉凶也數有徵效

世莫肯學而競稱不占之書譬猶畫工惡圖犬馬而好作鬼魅誠以實事難形而虛偽不窮也宜收藏圖

識一禁絕之則朱紫無所眩典籍無瑕玷矣

中官養子襲爵

綱乙亥四年春二月初聽中官得以養子襲爵書自

封鄭衆為鄉侯而中官封爵矣于是聽以養子襲爵則德其立已故也私已甚矣特書曰初病漢也

音鄭衆見上綱夏四月以梁商為大將軍書自商少通

經傳謙恭好士辟李固為從事中郎固以商柔和自

守不能有所整裁乃奏記曰數年以來災怪屢見現

李固奏記梁商

孔子曰。智者見變思形。愚者觀怪諱名。天道無親。可

為祇畏。誠令王綱一整。道行中立。明公踵伯成之高

莊子天地篇。堯治天下。伯成子高立為諸侯。堯授舜。舜授禹。伯成子高辭為諸侯而耕。全不朽

之譽。豈與此外戚凡輩耽榮好位者同日而論哉。商

不能用。綱。秋。閏八月。朔。日食。冬。十二月。地震。

綱。丙子。永和元年。冬。十二月。以王龔為太尉。以梁

冀為河南尹。

綱。丁丑。二年。冬。十月。帝如長安。今陝西西安府長安縣徵處士

法真不至。綱。扶風。今陝西鳳翔府法真博通內外學。隱居不

出。漢順帝十九

郭正稱

綱鑑易知錄 卷二

仕帝欲致之四徵不屈友人郭正稱之曰眞名可得
聞身難得見逃名而名我隨避名而名我追可謂百
世之師者矣綱地震十二月還宮

綱戊寅三年秋九月詔舉武猛任將帥者目初左雄

薦周舉爲尚書至是雄爲司隸校尉舉馮直任將帥

直嘗坐賊受罪舉以此劾奏雄雄曰詔書使選武猛

不使選清高舉曰詔書使君選武猛不使君選貪汙

也雄曰進君適所以自伐也舉曰昔趙宣子晉趙任

韓厥爲司馬而厥戮其僕宣子謂諸大夫曰可

周舉劾左雄

自賀獨無
所薦

見上卷
二十五

良賀清儉退厚及詔舉武猛賀獨無所薦帝

賀我矣。今君不以舉之不才。誤升諸朝。不敢阿君。以
為君羞。不寤君之意。與宜子殊也。雄悅謝曰。是吾過
也。天下益以此賢之。是時宦官競賣恩勢。唯大長秋

問其故。對曰。臣生自草茅。長于宮掖。既無知人之明。

又未嘗交知士類。昔衛鞅因景監以見。有識知其不

終。見六卷四今得臣舉者。匪榮伊辱。是以不敢。

綱辛巳六年秋八月大將軍梁商卒。以梁冀為大

將軍。不疑。冀之弟為河南尹。**綱**以周舉為諫議大夫。**目**

初梁商疾篤帝親臨幸問以遺言對曰臣從事中郎

周舉清高忠正可重任也由是用之綱冬十一月徙

荊州刺史李固為泰山太守固荊州今湖廣荊州府盜起彌

徙李固為
泰山太守

年不定以李固為刺史固到遣吏勞去聲問境內赦寇

盜前豐與之更耕始于是賊帥自縛歸首去聲固皆原

之遣還相招半歲間以類悉降奏南陽今河南南陽府太守

高賜等贓穢賜等重加梁冀冀為之千里移檄文書

而固持之愈急冀遂徙固為泰山今山東濟南府泰安州太守

時泰山盜賊屯聚歷年郡兵常千人追討不能制固

到悉罷遣歸農。但選畱任戰者百餘人。以恩信招誘之。未滿歲。賊皆弭散。

遣八使分行州郡

綱壬午。漢安元年秋八月。遣八使分行州郡。**目**遣杜

喬。周舉。周栩。許馮羨。樂巴。張綱。郭遵。劉班。分行。上聲

也。州郡表賢良。顯忠勤。其貪汙有罪者。刺史二千石

驛馬上之墨綬。千石六百石。以下使輒監舉。喬等受

命之部。張綱獨埋其車輪于雒陽都亭。曰豺狼當道

安問狐狸。遂劾奏大將軍冀。河南尹不疑。無君之心

十五事。京師震悚。帝雖知綱言直不能用也。**綱**以李

張綱埋輪

梁綱為廣陵太守

固為將作大匠

見上

杜喬奏李固政為天下第一

故有是命綱以張綱為廣陵太守綱梁冀恨張綱思

有以中傷之時廣陵

今江南揚州府

賊張嬰寇亂揚徐

見二州

單車詣壘

五卷

十九開積十餘年乃以綱為廣陵太守綱單車徑詣

嬰壘門嬰大驚走閉壘綱於門外罷遣吏兵留十餘

人以書喻嬰請與相見嬰乃出拜謁綱延置上坐譬

之曰前後二千石多肆貪暴故致公等懷憤相聚二

千石信有罪矣然公所為者又非義也主上仁聖欲

以文德服叛故遣太守來今誠轉禍為福之時也嬰

聞泣下曰。荒裔愚民。不堪侵枉。相聚偷生。若魚遊釜中。知其不可久。且以喘息須臾閒耳。今聞明府之言。乃嬰等更生之辰也。乃辭還營。明日將所部萬餘人。與妻子面縛歸降。論功當封。梁冀過之。在郡一歲。

坐時二千石。長吏有能政者。有雒陽令任峻。冀州今直隸真定刺史蘇章。膠東今山東萊州相吳祐。雒陽自

府冀州見上卷刺吏蘇章。膠東今山東萊州相吳祐。雒陽自

王渙見上卷之後。皆不稱職。峻能選用文武。各盡其

用。發姦不旋踵。民間不畏吏。其威禁猛於渙。而文理

政教不如也。章有故人為清河今山東東昌府恩縣太守。章行

蘇章不私故人

一天二天

吳祐觀過知仁

部欲案其姦賊。乃為設酒甚歡。太守喜曰。人皆有一
 天。我獨有二天。章曰。今夕蘇孺文。章字與故人飲者。私
 恩也。明日冀州刺史案事者。公法也。遂舉正其罪。州
 境肅然。祐政崇仁簡。民不忍欺。嗇夫。掌聽訟孫性。私賦
 民錢。市衣以進其父。父得而怒曰。有君如是。何忍欺
 之。促歸伏罪。性慙懼。自首。去聲具談父言。祐曰。掾。現以
 親故。受汙穢之名。所謂觀過知仁矣。使歸謝其父。還
 以衣遺。去聲之。

綱 癸未二年冬十一月地震。涼州。今陝西行都司涼州衛自

地百八十

增孝廉為

四科

九月以來地百八十震山谷拆裂壤怪敗城寺民壓

死者甚衆綱增孝廉為四科書書增為四科何議也

二科矣今復增孝悌從政為四孝悌為四尚書令

黃瓊以左雄所上孝廉之選見上專用儒學文吏於

取士之義猶有所遺乃奏增孝悌及能從政者為四

科帝從之

綱甲申建康元年夏四月立皇子炳為太子目太子

居承光宮帝使侍御史種充高監其家中常侍

高楚飯從中單駕出迎太子時太傅杜喬等疑不欲

神高手劍
常車

皇甫規對
策

綱鑑易知錄

卷二十三

二十三

從而未決。嵩乃手劍當車曰：「太子國之儲副，人命所
係。今常侍來無詔，信何以知非姦邪？今日有死而已。」
梵辭屈不敢對，馳還奏之。詔報太子乃得去。喬退而
歎息，愧嵩臨事不惑。帝亦嘉其持重，稱善者良久。
秋八月，帝崩，太子炳卽位。年二歲
太后臨朝，以李固爲太尉，錄尚書事。九月，葬憲
陵。在河南府城東北
皇甫規對曰：「陛下攝政之初，拔用忠貞，遠近翕然望
見太平。而災異不息，寇賊縱橫，殆以姦臣權重之所。」
綱

學前規舟
概之喻

致也。其常侍尤無狀者，宜亟黜遣，以答天誡。大將軍

荷南尹不疑，亦宜增脩謙節，輔以儒術。夫君者，舟

也。民者，水也。羣臣乘舟者也。將軍兄弟操楫者也。

若能平志畢力，以度渡作元元元善也民類皆善謂之元元，所謂福

也。如其怠弛，將淪波濤，可不慎乎？夫德不稱去聲，祿猶

鑿塘牆也之趾基也，以益其高。豈安固之道哉？冀忿之以

規為下第，拜郎中。託疾免歸。綱冬十月，羣盜發憲陵。

孝冲皇帝名炳順帝太子在位一年壽三歲而崩諡法幼小在位曰冲

綱乙酉，孝冲皇帝永嘉元年春正月，帝崩。綱徵清河

漢冲帝

李固請立
年長有德

太后委政
李固

王蒜及渤海孝王子纘至京師。大將軍冀白太后迎
 纘入卽位。罷蒜歸國。目蒜纘皆章帝曾孫。蒜爲人嚴
 重。動止有法度。公卿皆歸心焉。而纘年八歲。李固謂
 梁冀曰。立帝宜擇長年有德任親政事者。願將軍審
 詳大計。察周霍之立文宣。周勃立文帝。霍光立宣帝。戒鄧閭之利
 幼弱。鄧閭立北鄉侯。冀不從。與太后定策禁中。迎纘
 入南宮。卽皇帝位。蒜罷歸國。綱葬懷陵。目太后委政
 李固。宦官爲惡者一皆斥遣。而梁冀尤疾之。初順帝
 時。除官多不以次。固奏免百餘人。此等遂作飛章。無姓。

名上章者言固離開近戚自隆支黨冀以白之后太

若飛來也后不聽

孝質皇帝

名纘章帝曾孫渤海孝王之子冲帝崩梁太后立之在位一年為梁冀所弑壽九歲

諡法忠正無邪曰質

綱丙戌孝質皇帝本初元年夏四月詔郡國舉明經

詣太學受業者歲滿課試拜官有差自是公卿皆

遣子受業遊學增盛至三萬餘生綱海水溢綱閏六

月大將軍冀進毒弑帝白太后策免太尉固迎蠡里

吾侯志入即位太后猶臨朝綱發春秋之法君弑而罪不討則以國為無人

海水溢

李杜不明
春秋之義

跋尾將軍

以梁冀之凶悖固未易以討殺然使力不能勝則聲
 其罪於天下死之可也去之可也烏有大行晏駕明
 知鳩毒致禍而可休之不問者乎李固杜喬諸人忠
 存餘而識不足不明春秋之義死而無補太后雖未
 必與聞乎然身為罪人主何以自解綱目於梁
 冀之事一則曰白太后二則曰白太后至於蠡吾既
 立之後又書太后猶臨朝目帝少而聰慧嘗因朝會
 太后雖欲自免其可得乎目帝少而聰慧嘗因朝會
 目梁冀曰此跋尾將軍也跋尾猶言疆梁也扈竹
 先作竹籬候魚之入水退小魚獨留大者跳跋籬扈而出故言跋扈也冀深惡之使左
 右置毒于煮餅以進帝苦煩甚召李固固入前問帝
 曰食煮餅腹悶得水尚可活冀曰恐吐不可飲水語
 未絕而崩固伏尸號哭推也窮詰舉案劾侍醫議立嗣

獨固喬守
本義

固與司徒胡廣司空趙戒先與冀書曰先世廢立未
嘗不詢訪公卿廣求羣議令平聲上應天心下合衆望
國之興衰在此一舉冀乃召百官入議固廣戒及大
鴻臚杜喬皆以爲清河王蒜明德著聞又屬最尊親
宜立爲嗣中常侍曾騰夜往說冀曰將軍秉攝萬幾
賓客縱橫多有過差清河嚴明若果立則將軍受禍
矣不如立蠡吾今直隸保定府蠡縣侯名志平原王翼子時太
夏門富貴可長保也冀然其言明日重會公卿冀意
氣凶凶廣戒懾懾曰惟大將軍令獨固喬守本議冀

厲聲罷會說太后策免固迎蠡吾侯志入南宮卽位

時年十五太后猶臨朝政

致堂胡氏曰人臣之罪無加於弑君李固身位
上公親聞質帝食餅腹悶得水尚可活之言而
見梁冀斬不與水之事當卽時請太后出御前
殿召三公中二千石列侯司隸期門羽林士大
會庭中推舉尚食窮問崩故可以立得罪人致
於廷尉凡與謀者殺無赦焉自建明德策立清
河不崇朝而漢祚復隆天下定矣雖梁冀久握
兵權然事出倉卒旣躬爲大逆名在弑君其下
未必人人服從出一紙詔書論以逆順衆決不
動計不出此方且伏尸號哭一再致書比三日
閒冀策書已立則雖有仲尼之智
周公之才亦無及矣吁可歎哉

綱

秋七月葬靜陵

在河南府城東南

綱

九月追尊河間孝王

平原王翼父為孝穆皇蠡吾先侯即平原王翼曰孝崇皇冬十

月尊母匱氏為博園貴人。

孝桓皇帝名志章帝曾孫蠡吾侯翼子賢帝崩梁冀立之在位二十一年壽三十六歲而崩諡

法克敵服遠曰桓。是時梁冀雖除五侯肆虐賢人君子忠憤激烈卒成黨錮之禍人之云亡

邦國殄瘁其是之謂乎。

日食正旦

綱丁亥孝桓皇帝建和元年春正月朔日食三月

黃龍見現譙故城在江南鳳陽府亳州綱夏四月地震綱六月以

杜喬為太尉。綱自李固之廢內外喪氣羣臣側足而

立唯喬正色無所回撓由是朝野皆倚望焉。綱秋論

黃龍見譙

定策功益封梁冀萬三千戶。又封其子弟及宦者劉

廣等皆為列侯。八月立皇后梁氏。書東漢之策書法立貴人某氏

為皇后恆辭也。此其書立皇后梁氏何后太后女弟也。倫序亦少乖矣。故異其文者所以異其事也。

綱九月地震策免太尉喬。綱冬十一月貶清河王

梁冀殺李固杜喬

蒜為尉氏侯。徙桂陽。蒜自殺。下李固杜喬獄殺之。綱

宦者唐衡左官等共譖杜喬。帝亦怨之。會劉文等

謀共立清河王蒜。劫其相謝暉殺之。蒜坐貶爵為尉

氏。今河南開封府尉氏縣。侯徙桂陽。見上。自殺。梁冀因誣李固

杜喬云與文交通。收固下獄。固死獄中。冀使人脅杜

喬使自引決。喬不聽。收繫之。亦死獄中。

遂昌尹氏曰。李固杜喬之死。人皆冤之。二君誠忠於漢者。然冀負弒逆之誅。二君不能聲其罪於天下。隱忍而死。故綱目於此。皆不書其故。官哀其不達大臣之義。失其職也。

綱。己丑。三年。夏。四月。晦。日食。秋。八月。有星孛于天市。大水。九月。地再震。山崩。綱。前朗陵侯相荀淑。

卒。書卒前官錄賢也。目。淑少博學。有高行。李固李膺等皆師

宗之。嘗舉賢良。對策。譏刺貫幸。梁冀忌之。出為朗陵

朗陵神君

見二十一卷十二。相。蒞事明治。稱為神君。有子八人。儉。綱。哀

荀氏八龍

靖。熹。導。汪。爽。肅。專。孚。並有名稱。時人謂之八龍。穎。陰

高陽里

新鑑步矣金

卷二三

二

故城在河南耕命其里舊名曰高陽見一

開封府陳州卷二令苑康更耕命其里舊名曰高陽見一

得御李君

殖為友。爽嘗謁膺。因為其御。既還。喜曰。今日乃得御。

李君矣。寔出單微。同郡鍾皓。以篤行稱。九辟舉公府。

年輩遠在寔前。引與為友。皓為郡功曹。辟司徒府。太

守高倫問誰可代卿者。皓曰。明府欲必得其人。西門

亭長陳寔可。倫從之。中常侍侯覽託倫用吏。寔懷檄

吸。請見曰。此人不宣用。而覽不可違。寔乞從外署

文書。請見曰。此人不宣用。而覽不可違。寔乞從外署

不足以塵明德。于是鄉論怪其非舉。寔終無所言。倫

陳寔過則稱已

後被徵也乃謂人曰吾前為侯常侍用吏陳君密持

教還而於外曰署陳君可謂善則稱君過則稱已者

也寔固自引愆由是天下服其德後為太丘今河南

末城長脩德清靜百姓以安鄰縣民歸附者寔輒訓

導令還本司官行上聲部吏慮民有訟者曰欲禁

之寔曰訟以求直禁之理將何申亦竟無訟者以沛

相沛國賦斂違法解印綬去吏民追思之皓素與淑

齊名膺常歎曰荀君清識難尚鍾君至德可師皓兄

子瑾好學慕古有退讓風與膺同年俱有聲名其母

我家性

太無阜白

膺之姑也。膺祖太尉脩常言瑾似我家性。邦有道不

廢。邦無道免於刑戮。復以膺妹妻之。膺謂瑾曰：弟何

太無阜白。謂不區別是非。邪瑾以白皓。皓曰：國武子。春秋齊

姓名佐。好招橘。人過以致怨惡。如字。左傳成公

字武子。鮑舉也。人過以致怨惡。十七年齊慶克通

于聲孟子。鮑牽見之以告武子。武子召慶克而謂之

慶克以告孟子。孟子訴於靈公。而別鮑牽。明年殺國

佐于內宮。聲孟子靈公失人。今豈其時邪。必欲保身全家。爾也。道

為貴。
綱庚寅和平元年春正月。太后歸政。二月崩。三月
帝還北宮。葬順烈皇后。封大將軍冀妻孫壽為

襄城君

襄城見上卷君。**綱**夏五月尊博園匱貴人曰孝崇后

張陵劾梁

冀

綱辛卯元嘉元年春正月朔尚書張陵劾大將軍冀

罪詔以俸贖。**法**也。非日食不書晦朔此其書朔何罪冀

冀帶劍徑入無人臣禮罪孰大焉故罪未有書所劾

者特舉尚書張陵嘉舉職也而詔以俸贖失刑甚矣

直書議之是故書十二月晦所以見武帝殺寶嬰之

忍書正月朔所以見桓帝罰梁冀之寬一字之筆削

嚴**音**武帝殺寶嬰見**目**羣臣朝賀大將軍冀帶劍入

矣。**註**十三卷十七卷**目**羣臣朝賀大將軍冀帶劍入

省尚書張陵叱出敕羽林虎賁奔皆殿前衛士奪劍冀跪

謝陵不應即劾奏冀請廷尉論罪有詔以一歲俸贖

百僚肅然河南尹不疑梁冀弟嘗舉陵孝廉謂曰舉君

桓帝微行

請與獨行之士

崔寔政論

適所以自罰也。陵曰：明府不以陵不才，誤見擢序。今申公憲以報私恩，不疑有愧色，不疑好經書，喜待士，冀疾之轉為光祿勳，以其子胤為河南尹。綱夏四月，帝微行至河南尹梁胤府舍，是日大風拔樹，晝昏。綱冬十一月，地震，詔舉獨行之士。獨行，終綱目。獨行，言守正而書不依阿於人也。法舉涿郡今直隸順天府涿州崔寔，以獨行舉詣公車。見十一卷二十六辭曰：凡天下所以不治者，常由人主承平日久，俗漸敝而不悟，政寢衰而不改。凡為天下者，自非上德嚴

之則治寬之則亂何以明其然也近孝宣皇帝明於

君人之道審於為政之理故嚴刑峻法破姦軌同之

膽海內清肅天下密如算計見效優於孝文及元帝

即位多行寬政卒以墮損威權始奪遂為漢室基禍

之主政道得失於斯可監故聖人能與世推移而俗

士苦不知變以為結繩之約見一卷四可復治亂秦之緒

干戚之舞見一卷二十六干盾也足以解平城之圍

見十卷蓋為國之法有似治身平則致養疾則攻焉

夫刑罰者治亂之藥石也德教者興平之梁肉也夫

以德教除殘。是以梁肉治疾也。以刑罰治平。是以藥

石供養也。自數世以來。政多恩貸。馭委其轡。馬駘臺

脫其銜。四牡天子所駕橫犇皇路大路也。險傾方將。指鉤

以木銜勒馬轡也。鞅束也。輶舟也。以救之。豈暇鳴和

鸞皆鈴也。所以節車之行。和清節奏升車則馬動。馬動則鸞鳴。鸞鳴則和應。自然有箇節奏。哉。昔文帝雖除肉刑見十二卷五。當斬右趾

者。棄市。笞者。往往至死。是文帝以嚴致平。非以寬致

平也。山陽今山東兗州府仲長複姓統。嘗見其書。歎曰。凡為人

主。宜寫一通。置之坐側。

寫一通
坐側

崔寔矯一時之枉

朱穆為冀州刺史

司馬溫公曰漢家之法已嚴矣而寔猶病其寬何哉蓋衰世之君率多柔息是以權幸之臣有罪不誅仁恩所施止於目前姦崔寔之論以矯一時之枉子曰政寬則民慢慢則糾則施之以寬寬以濟猛猛以濟寬政是以和斯不易之常道矣

綱癸巳永興元年秋七月蝗綱河溢民飢以朱穆為

冀州刺史尋徵下獄輸作左校教目冀州今直隸真定府冀州

民飢流亡數十萬戶詔以朱穆為刺史令長聞穆濟

河解即殺去者四十餘人及到奏劾諸郡貪汙者有

至自殺宦者趙忠喪父歸葬僭為玉匣穆下郡案驗

劉陶上書

見上

吏發墓剖棺出之帝聞大怒徵穆詣廷尉輪作左校

十太學生劉陶等數千人詣闕上書訟穆曰中官

近習竊持國柄手握王爵口含天憲運籌則使饑隸

富於季孫呼喻吸則令平伊顏伊尹化為桀跖夏桀盜跖

而穆獨亢然不顧身害非惡榮而好辱惡生而好死

也徒感王綱之不攝懼天網之久失故竭心懷憂為

上深計臣願黥首繫趾代穆校作帝乃赦之

